

Jimare

3

1987



Mîrkutên xwe bilind kin!


MÎR KUT

KOVARA HER TIŞTÎ YE JI BO HER KESÎ YE



RAMBO: "PIŞTÎ AFGANISTANÊ

EZÊ WERIM KURDISTANÊ"



mirkut میرکوت

Kovara Kurdî a Mîzahî

گۆفاریکی کالتە و گەپی کوردی یە

**Humoristisk Kurdisk
Tidning**

**Journal Humoristique
Kurde**

خاوەن و بەرپرسیار:

*ansvarig utgivare
och redaktör:*

Mahmûd LEWENDI

Adress :

Post Box: 24012

750 24 Uppsala

SWEDEN

Prix: 10 SKr/10 FF/2 DM

Tarîxa çapê: 1.01.1987

Merheba

**Em jî dizanin ku em bi
derengî ketine !**

**Divê deh meh berê
hatiba derxistin, lê em
çi bikin, çavê tunebûnê
birje !**

**Ger we jî tunebûn dîtibe
wê çavê hunê fam bikin
ku jî bo çi em bi derengî
ketine.**

Lê, dîsa jî bibexşînin.

MÎRKUT

ÇEND GOTIN

Ev e jimare 3 jî derket, heta jimare 4 xwe dê mezin e.

Jimareya pêşîn ji kîsî me çû!

Jimare 2 jî, me 1200 heb çap kir, jê 800 heb hat fitotin, lê perê 100 hebî gehîşt destê me, 'ecêb e wellah ul-'ezîm !

Kovara Federasyona Komelên Kurd li Swêd; Berbang'ê (di jimare 7/85'an de) dîsa bela xwe di me daye, çî ye efendim, navê Mîrkutxelet hatiye nivîsandin, bi ya wan divê ne Mîrkut lê "Mîkut" an jî "Mêkut" be. Dîsa di jimare 2 ya Mîrkut'ê de me rexneyek li Berbangê girtibû, çimkî heqaret li kovara me kiribûn, li şûna ku bigotana "kovara mîzahî", gotibûn "kovara qerfan". Li ser vê yekê em jî hinekî gehe ribûn û me rexneyek li wan girtibû. Îcar wan jî goya rexne li rexna me girtine, û hinekî jî bi ser ve kirine. Lê nivîsek welê ecêb nivîsîne ku çewto-mewto û xwaro-maroye, ser û binê nivîse li hev geryaye, ji ber wê jî me tu tiştek ji wê rexna(!) wan fam nekir ku ber siva wan bidin.

Tiştêkî din jî, me bihîst ku serokê Enstîtuya Almaniyê ji me geherîye, yanê bi gotine ke din tûre bûye. Çimkî me di hejmara berê de rexne li kitêba Thomas Bois girtibû ku serokê vê Enstîtuyê Y. Geylanî jî navê xwe li ser kitêbê nivîsibû.

Ji alî ekonomiyê de jî rewşa me ne wekî be
rê ye, lê jê xerabtir e. Li derveyî 7 kesan tû
kesî alîkariya me nekir. Ew kes jî ev in:

Alî Bucak (Paris).....500 Frank
Bekir Şahin (Sydney).....306 Kron
Lutfî Baksî (Stockholm).....200 Kron
Malmîsaniy (Stockholm).....500 Kron
M. Emin Bozarşlan (Stockholm).. 50 Kron
Nûrî (Paris)..... 90 Frank
Nûreddîn Zaza (Lozan)..... 70 Frank
Restaurant Dilan (Paris).....250 Frank

Îcar çi şanseki xerab ! Gava ku xwedê li
ev neyne xerabtir jî dibe. Heval Bekir Şahin
306 Kronê xwe li ser navê me yê maxlas (naznav)
şandiye ku wê jî em nikarin ji bankê bikşînin.

Heval Reşoyê Qerejdaxî jî divê bibexşîne
ku me nikaribû cîh bida nivîsa wî ya bi navê
"Serzullût". Nivîsek hêja ye, lê ma xwedê jê
razîbiyo 12 rûpel nivîsiye, ji xwe kovara me
çend rûpel e!!!

Tîstekî din jî, divê hun li qusûrê me nenê
rin, ji ber ku me ev hejmar 8 meh berê hazir
kiribû, lê fersend û mecal û îmkana me ya çap
kirinê tunebû ku me çap bikira, ji ber wê ye-
kê jî mûmkune ku hin nivîs aktûalîta xwe win-
da kiribe.

De bîminin di xwesiyê de
Ger we perê xwe da mala we ava!

MÎRKUT


MÎR KUT



BELAV DIBE,

Belê, Mîrkut belav dibe (neku ji hev de dikeve û perçe dibe), nav û dengê Mîrkutê ji Amerîka ta Awîstralyayê, ji Antartîka ta Afrîkayê, li her derê dinyê belav bû û dibe.

Ji reşikên Afrîkayê bigrin ta bi gundiyên Kercewsê dexî, êdî hemû xwedan Mîrkut in, Mîrkutên wan di destê wan de her têdikut.. pardon, têdikoşin.



NAMEYEK **JI ŞAMÊ**

Rifaqên me yên 'ezîz di mucella MÎRKUT de.

Bi sereha ez gelekî besitîm ku min mucella we xwend. Lî ennehu wexta ku mucelleyeke fukahî bi zimanê kurdî izdar dibe y'anî tetewirek melhûz di tarîxa sefaht el-kurdî de tê încaz kirin.

Ez bi xwe şexsen kitîr temennî dikim ku hûn her daîm û kul yewm îstimrar bikin.

Museqqefekî Kurd-Wetenî
-ŞAM/DIMISQ-

BERSÎVÛHA: Yanê bersiva me

Heval el-xoşewist

Yûdil geşûna ennû bersivûke, 'ela gotinûkatûke el-baheyat w'el-giranat el-ku nayên hilgirtin w'el-nayên daqurtandin.

Çimkî nametûke ket fî destûna, fekul xwendevanûna têdinegehiştûna. Fe ennû daxwazû minke en tu were m'ea nametûke fi caretên din, yan jî hîn bibe zimanûke.

El Beşet ul- Vegerandin

Fî Kovaret el-MÎRKUT



(pendî pêşinan)

Gotinê bav û kala

HETA MIRINÊ
ÇAV LI KIRINÊ.

KESO KESO
CAREK BESO

XEMA KOR E
MÛM BUHA YE.

HETA GENIM FIRÎK E,
MELLE ŞIRÎK E

KEVIRÊ HAVÎNÊ,
BAVÊJE KULÎNÊ.

BILA HINDIK BE,
BILA RINDIK BE.

BUHARÊ – PEZ
PAYIZÊ – REZ
ZIVISTANÊ – EZ

EZ AXA, TU AXA,
KÊ GOLIKA BIBE
NAV BAXA ?



-Be amade kirdinê Kurtemaxbînê
MÎRKUT

KIN KURT

deng Ûbas

STOCKHOLM

Paksî ji Amerîkayê vegerya û yekser çû Awis-
tralyayê û nuha jî li Îspanyayê ye.

M.B. ewê îsal jî di balkona xwe de baxdenos,
turp û pîvazan biçîne.

Li gor gotina Paksî, xelkê ew kiriye endamê
PEN-KLUB'ê, îcar tiştêkî ecêb Heme Ûzin jî
endamê wê Qûlibê ye.

BONN

Dr. Yekta li Almanyayê xwe kir serokê Enstîtu
yê.

PARIS

Serokê Enstîtuya Parîsê jî Kendal e.

JI DUNYÊ

Çareya AIDS'ê hat dîtin:îsot

Ruhayî bi saya serê îsotê ji AIDS'ê filitîne.

Mîrkut derket.

Xumeynî bi AIDS'ê ket.

Seddâm neket.


Xwedê mezin e.

Ezê jî herim Amerîkayê û piştire Antartîkayê.

diyalogek

Kurdo

- Te got çi ?
- Min ?!
- Erê te.
- Min got çi ?
- Erê te çi got ?
- Min tiştekek negot.
- Lawê segan, te got.
- Kurê kûçikan, welle min negot.
- Dolê kotiyar, ez dizanim, te got.
- Min negot.



- Te got.
- Kurê qahpê, min got û zêde!

- Teq, tûûûjjj.

- Teq, teq, ...

- Gummmmmmm!


- Axxxx bavo, ...

- Axxxx yadê,

- Hawaar, kurê meyê wek şêr, bi destê kuçikan hat kuştin, ...

- Hahooo, lawê meyê egîd bi destê rûvîyan hat kuştin,

ÇÎROK HÎNA JÎ BERDEWAM E, ...Kî dibêje em ne mêr in?!



beytek

NE SING Û NE SÊWAN E
REPE REPA MÎRKUTAN E !



Melle Mîrkut

qisê qorr!

NIVÎSKARÊ wê : **Ez**

Çend roj berê ez li kafeyekê(cafê) rûniştibûm.
Garsonê kafeyê hat ba min û got:

-Çi dixwazî ?


Min got:

-Qahweyekê ji kerema xwe re.


Garson qahweya min anî danî ber min. Wekî her gav min pêşî cixareyek derxist û vêxist. Di pê re min şe kir avêt qahwê, dawyê min bi kevçî hêdî hêdî li hev xist. Şekir û qahwe baş li hev geryan şûn de, min hilmek din jî ji cixara xwe kişand. Lê ev hilma ne wek hilma her wextî bû, hilmek welê bû ku dûman heta binê pişika(cîgera) min a sipî çû, li jêr zemînî cî gera min ket û têde fetilî. Di hemûyê fetlanokên cî gera min de gerya û ruyê xwe da berbi jorê, hat nêzî kî qirikê, di wir re jî di bin zimanê biçûk re hat na va devê min, li ezmanê devê min ket û di nava devê min de hinekî gerya. Li qulukekê, li riyekê digeriya ku çawa bike derkeve der. Xwe nêzî ber diranan kir, di ber diranan re xwe şemitand hat ket nabêna diran û lêvan, li wê derê jî xwe hinekî gevizand û di pêre xwe li bin çengê pidîyan xist û di nava her du lêvan re derket der...!

Belê, a wê gavê, ango di pê vê bûyera dûmana cixarê re, divîya ku qultek qahwe bihata vexwarin.

Wele hema min hêdîka destê xwe yê rastê dirêjî qulpa fîncana qahwê kir. Min hêdî hêdî fîncana qahwê rakir berbi devê xwe bir. Lêv ji ber xwe ve ji hev vebûn, wek erdekî ku qet gîsin lêneketibe û li hêvîyê be. Û fîncana qahwê pêre pêre xwe nêzî lêvan di kir. Gehîştin hev. Devê fîncana qahwê devê xwe da ser lêva jêrîn, lêva jêrîn di wê gavê de wekî ku ji nû ve biafire vejîya....



« یوروم یوک » نکر ریٹرن foto: Rob Huibers/1984



BAJARÊ BISMILÊYE GÎDIPSEEN?

Li hêla Bismilê, ji gundê Koseliyê
merivek ewê biçe bajêr.

Jina wî jê re dibêje:

-Ma bajarê Bismilêye gîdipseen,
Fatoşêye bîr don getiir.

Mêrik:

-Ne bilim ne qederdiiir!

Jinik:

-Hema bîr mîtro bîr nîgine
Bîr mîtro jî dîger nîgine,
Ellî santîm nav nîgine
Girmî bêş santîm jî pizîsine
getir, bestir.

Kemal/Bismil



BANGK!

Jibo redaksiyona Mîrku, em li kurdekî
digerin ku divê qet helbest(şîir) nenivî-
sandibe û dîsa divê di demên dahatû de jî
nenivîse.

Sekreterê Kar û Barê Mîrku





Piştî hevdîtîna û axaf
tinên dûr û dirêj, Rambo
hate iqla kirin ku were
Kurdistanê.

Ev bû şeş meh e ku he
yeta jibo îqnakirina Ram
bo çûbû Amerîkayê, bi to
nek bertîl û ruşwetan an
cax xwe gihandine Rambo.

Di pê munaqeseyek dûr
û dirêj re Heyeta me Ram
bo iqla dike ku were Kur
distanê, fîlimekê li ser
kurdan çêke.

Li ser vê yekê Redak
siyona Mîrkut derhalkê
civînek çêkir. Civîna me
5 deqge ajot, tenê birya
rek hate girtin; ew jî:
'el el-'ecele şandina
muxbîrekî Mîrkut bo Holl
ywood'ê. Û wele hema me
hemûyan çî pere di bêrî-
ka me de hebû, me gişk
da vî muxbîrê xwe û me
bilêta tiyarê jî jê re
kirî û me bi rê kir şand
Amerîkayê jibo dîtina

Rambo û Heyeta Kurd. Nuka em li jêrê . xeberên ku muxbîrê me bi teleksê ji me re şandiye pêşkêşî we dikin:

" Min Rambo dît. Rambo hatiye îqna kirin, ewê were Kurdistanê, lê ne îsal, ji ber ku îsal ew dê biçe li Afganîstanê fîlimekê çêke, û di vê fîlimê de (fîlim îcabî) ewê Afganîstanê ji bin destê Rûsan xelaske. Di pê re (yanê di fîlima du doyan de) îcar ewê were

Kurdistanê. Ewê Kurdistanê jî ji bin destê Rûsan xelaske."

Sertên RAMBO

Sertên Rambo gelek in ji wan yek jî ew e ku hemû kurd qebûl bikin ku Kurdistan 5 perçe ye. Li gor Rambo heta nuka tenê 4 perçên Kurdistanê dihatin zanîn, lê Rambo perçê pêncan jî kifş kiriye. Li gor wî perçê pêncan di bin destê Rûsan de ye

Li ser vê yekê muxbîrê me jê pirsîye:

-Ma çawa dibe?

Rambo:

-Belê, ev rastîyek e û berî her tistî divê ku kurd vê yekê qebûl bikin ku Kurdistan 5 perçe ye. Yanê Kurdîstana Tirkîyê, ya Sûrîyê, ya Iraqê, ya Iranê û Kurdîstana Rûsyayê, ku perçê herî mezin jî ew e. Ma hun qet



rojname û kovaran naxwî-
nin ? Hemû dinivîsin ku
ji Ermenîstanê bigre he-
ta bi Qazakîstan û Azer-
beycanê kurd hene. Ji vê
jî tê fam kirin ku perçê
herî mezin di bin destê



Rûsan de ye. Ev fîlima
min jî bi taybetî ewê li
ser vî perçeyî be, yanê
Kurdîstana Rûsyayê. Di
vê fîlimê de ezê Kurdis-
tana Rûsyayê ji bin des-
tê rûsan xelaskim.

(dumahîka vê nivîsarê
emê di hejmara dahatû
de belavbikin. Mîrku)

STUDIA KURDICA JÎ DERKET !

Axirê li dawîya dawî-
yê STUDIA KURDICA" jî der-
ket.

Di dawîya 1983'an de
nivîs civandin.

Di destpêka 1984'an de
nivîsên civandî daktîlo
kirin.

Di dawîya 1984'an de
mîzanpaja wê çêkirin.

Di destpêka 1985'an de
jîbo çapê birin matbaayê.

Di dawîya 1985'an de
jî matbaayê derket.

Di destpêka 1986'an de
jî, ji me xwendevanan re
şandin, û ewê di dawîya
198 'an de jî bigehîje
destê me. Her çendî ge-
hiştiye destê hin kesan,
lê ew torpillî ne!

(*) STUDIA KURDICA kovara
Enstîtuya Kurdî ya Parî-
sê ye ku bi tirkî derdi-
keve, her weha farisî û
erobîya wê jî heye.



çend peyvikên nû

Dr.Zimandirêj DEVJIHEVE

Homokutîzm: Homoseksualizm(..)

Homokut/Pîyawkut : Homoseksuel.

Rexnegirtin : Tenkîd kirineki normal

Rêxgirtin : Tenkîd kirineki anormal

Rexnelixwegirtin : Rexneyeki pozîtif e

Rêxlixwegirtin : Rexneyeki negatîf e

Rêxliyeki girtin : Rexneyeki negatîf e.

(..):Li gor Dr. Bijîşk, nexweşîya AIDS'ê ji Homokutîzmê tê.

du anons

Emrê min 76 e.Bejna min 180cm. ye.Giraniya min 80 kîlo ye.Ez ji gundek Bismilê me û ji Kurdistanê nû hatime.Li hevala leka porzer digirim,ku emrê wê ne di ser 15'an re be. Bejna wê kêmfî 175cm nîn be,û ji 50 Kg yê zêdetir nîn be.Divê bi ajnê zanibe û ji Bet hoven jî hez bike,yan na nabe.

"Porzeram"



Göteborg SWED

Ez jinebî me. Emrê min 21 e.Diya 2 zaroka me. Ji tiyatroyê,ji dansê,ji muzîka klasîk û ji sohbeta li ser roman û fîliman hez dikim.

Muptelayê alkolê nînim lê li ber şîvê ji du îskan şeraba sorî fransîz re jî nabê na.

Tu,mêrê ser nerm ku we kî min dikare şîvê çêke, firaqa bişo, potikê zarkan biguhere û nav malê bide hev, li te digirim!

"Di Evînê De Wekhevî"

HEKKARÎ

NAVÊN KURDÎ

Jibo zarokên we yên nûçêbûyî
an jî yên li rê ne.

Agirkut	Hemekut	Nekut
Bakut	Hemokut	Nîvçekut
Bankut	Holkut	Pirkut
Bêkut	Homokut	Piyawkut
Bêrîkut	Jinkut	Pozkut
Bikut	Jankut	Paşkut
Binkut	Jêrkut	Pêşkut
Cîkut	Jorkut	Rêkut
Cunnîkut	Kerkut	Rotkut
Çakut	Keskut	Serkut
Dankut	Kêmkut	Sîrkut
Darkut	Liberkut	Singkut
Derkut	Libinkut	Tamkut
Elokut	Lihêfkut	Xanîkut
Erdkut	Liserkut	Zikkut
Hûrkut	MÎRKUT (x)	Zûkut
Herkut	Malkut	

(x): Dîqqeet!!!

Mîrkut, her heqê wê mehfûz e. Tu kes
nikare bêmusadeya Mîrkutê navê Mîrkut
li zarokên xwe ke.

Divê her kes vê yekê zanibe :

**HER BABET
BELAVOK, NAME
Û MESAJÊN HAZIR
TÊN FIROTIN !**

***name**

- Nameyên evînê
- Nameyên serxweşiyê
- Nameyên eskera
- Nameyên pîrozbayiyê
- Nameyên ji bo Enstituyê

***mesaj**

- Mesajên Şevên Newrozê
- Mesajên Kongra
- Mesajên polîtburro
- Mesajên licna merkezi

-Mesajên bi slogan:
5 Wereqe

-Mesajên bi sipas
û silav:10 Wereqe

-Mesajên îsotîn :
100 Wereqe

-Mesajên hingivîn :
50 Wereqe

***belavok**

- Belavokên Newrozê
- Belavokên 1'ê Gulanê
- Belavokên li ser Rojhilatanavîn
- Belavokên li ser Kolonyalîzmê

Fiyeta belavokan li gor naverokê tê guhertin:

- Belavokên bi rexne: 12 Wereqe
- Belavokên bê rexne: 6 Wereqe
- Belavokên li Dunyê dûrim, Li Rojhilatanavîn dûrim,
û li Kurdîstanê dûrim: 20 Wereqe
- Belavokên damezrandin û hilweşandina komele û kovaran:
50 Wereqe
- Belavokên damezrandin û hilweşandina rêxistin û partîyan:
- Belavoka "ÇIMA VEQETYAM" 25 Quriş 100 Wereqe

Nimûneyek ji qalibên belavokên me:

NEWROZ PÎROZ BE (1)

Her ku diçe Emperyalîzma Dunyê bi pêşevaniya Amerîka û dewletên din yê emperyalîst girtir, hartir, û çavsortir dibe.

Emperyalîzm sistema kapîtalîzma monopolîsta herî bilind e. Xurt e, heta qirikê çekdar e, lê ro bi ro qelstir dibe û nuha jî di doşeka mirinê de ye.

Li Rojhilatanavîn tu tiştê wekî berê nîne.

Her tiştê tê guhertin. Wîlo bîlez tê guhertin ku ro jek wekî ya din, seetek wekî ya din, deqeyek wekî ya din nîne. Helbet sedemê wê jî emperyalîzma dunyê ye.

Wekî hun jî dizanin divê hemû sinifên karker û gelên bindest û pêşverû û welatparêz û pêşketinxwaz, û anti emperyalîst û anti faşîst û anti şovenîst hemû piştgiriya hev bikin û yek bin. Yan na emperyalîzm her çiqas li ber sekratê be jî, zû bi zû namire. Ji ber ku wek her tiştê wê sekrata wê jî dirêj e.

Li Latîn Amerîka jî rewş kê-m-zêde wekî li Rojhela tanavîn e.

Li Afganîstanê jixwe hun dizanin çî dibe. Li Hîndûçînê her wisa. Li Afrîka Başûr dîsa wisa. Şerê Îran û Iraqê her wisa dîsa. (2)

Îcar li Kurdîstanê jî, ji Meda û vir de çavSORAN û weledên wanên îroyîn û rejîmên wan, tiştê nemayî bise-rê me de anîne. Lê nikaribûne dengê me bibirin.

Kolonyalîzm li welatê me ketîye her derê, lewre di vê her kes vê yekê zanibe. Do çawa bû, îro jî wisayê û dijminê me sibê jî me li hember xwe dibîne.

Li Kurdîstanê îro pergala berhemîya nîv-feodal, nîv-kapîtalîst û nîv-eşîrî hakim e. Pêwendiyên berhemîyê jî her wilo ne. Avayîya ser û bin divê ji binvê bête serûbin kirin. Û divê neyê ji bîr kirin ku têkoşîna birayên me yên Filistînî jî a me ye.

Xelasî nêz e. Emperyalîzm û xulamên wê yên kolonyalîst û hwd li ber mirinê ne.

Bibelqite Emperyalîzm!

Bibelqite Faşîzm û zordestiya li ser jin û zarokan!

Bijî NEWROZ ! (3)

(4).....

(1): *Alternatîfên din:*

Bijî Newroz

Newroz hat

Newrozek din jî hat

Newroz dîsa hat

Me Newroz pîroz kir

Me Newroz bi hev re pîroz kir.

(2): *Navên welatan li gor dawwazan tên guhertin, kê-m û zêdekirin*

(3): *Silogan li gor dawwazê pîrr erzan tê dagirtin.*

(4): *Navê rêxistinê ji altyê xwedtyê belavokê ve tê dagirtin.*

Erzûhal-Holdîng

Namenûs Belavokzade Xan, No: 99/z

Telf: 009933-44

DERVEYÎ WELAT

XEBERÊK TEZE

Z. Xamoyan,

R. Zîlyan,

D. Kotyan,

M. Dirêjyan û

M. Boksîyan li gel Ş. Perwerîyan û çend kesîyan ji bo tezekirin û nûkirina zimanê kurdî çûn Îspanyayê...

Ji ber wê yekê rîca me ji we hemû kurdan ew e , ta ku van hevalana biryarekê bigrin û vegerin divê tu kes bi kurdî nenivîse û qise neke...Çimkî ewê qerarê bidin ku êdî emê çawa qise bikin...



Komita îspanyayê di keftûleftê de.

Ji îspanyayê muxbîrê me Hecî Mîrkutyan

S.O.S.
IMDA AAT!

HAWAREEE!

ME TEHDÏT DIKIN!

ji alikî de PAKSÎ

ji alikî de jî ZIKTA LEYLANÎ

me tehdît dikin!!

Lê, emê ji yeka xwe neyên xwarê!

MÏRKUT



ZOZO
QEDYAN,
DOR HAT
LOLOYA !!

Sofî Lawo

Wextê şerdê Şêx Seîdî di, yew merdim nameyê ci Sofî Lawo bî. Yew tifingî cêw çaqmaqlî bî.

Aw zeman teyare amey bî, Gêlî(Egil) sera vi-retênî. Sofî Lawo tifingê xwi gêno, teyare ra nano. Tifingê cê dest di parçe parçe beno. Sofî Lawo wano qey lengera berdê teyara vista û wano: -Vazdênê, mi lengera berdê teyara niya, teyara zî Keramordik(.) di kewta !


Ewra di yew wano:

-Sofî Lawo, aya lengera berdê teyara niya, aw tifingê to yo, to dest di parçe biyo!

(.):Keramordik:Nizdîyê Gêlî di yew ca yo.

Xalê NÛRÎ

İKÎ ZANE?



Wekî herkes dizane ku li Swêdê kurdê herî menşûr PAKSÎ ye.

Gelo li Almanya û Fransayê kî ne ?

ÇARÎNEK


Ez ne di koxa bavê kesî de mirîşk
Ne jî di bin mirîşka kesî de hêk im,
Tu kes nikare min bimirîşkîne
Ji sedsalan û vir de ye her dîk im !



*Navê Şair dî
arsîva me de veşartîye
ger pêwîst be em dî-
karî rojekê jî we re
navê wî jî binivîsin.*

PÊKENÎNEK

**LE
JINEKEY
NATIRSÊ**



Yekêk be hawrêkanî delê:

-Ewî le jinekey detirsê hestête ser piyan!

Hemû heldestne ser pêyan tenya yekêk nebê.

Le wî yeke depirsîn:

-Wa diyar e, to hîç le jineket natirsê, bo ye
helnastête ser pêyan?

Kabra delê:

-Be xwa qaçim birîndar e, çünke emro jinekem
darêkî baş be qaçima malîwe!!!

XAÇA SOR A KURD ÇU HEBEŞİSTANÊ



serokê heyetê
Dr. Zikta Leylanî

Xêrxwaz û hevalbendê feqîr û nexweş û
belengaz û perîşan û bêçar û tolaz û pêxwasan
Xaç a Sor a Kurd li gel Xaç a Sor a Almanî
ji bo alîkariya felaketzadeyan bi sê qamyon-
nan çûn Hebeşîstanê (Etiyopya).

Serokê heyeta tevlihev Dr. Zikta LEYLANÎ
berî ku bi rê kevin, li Bonn'ê li meydana
piştî îstesyone derket ser qamyonekê û be-
yanek da. Dr. Zikta Leylanî di beyana xwe
de êş û liberketina xwe û di rojên wisa de
giringiya piştgiriyê diyar kir.

Barê qamyonan KARTOL (petata), BULXUR,
PÎVAZ û LEHANE (Kelem) bûn.

ANK'a Mîrkut/Bonn

NOT: Te dî دنیا ye, çî dibe çî nabe, belkî
rojekê adresa Xaç a Sor a Kurd ji we re lazim
bibe, adresa wê weha ye:

"Li Bonn'ê li piştî îstesyone kuçeya yekem
na, ya duwem, li milê rastê bizivirin heta ku
'Egîtek leqayî we bê, jê bipirsîn. BONN/Almanya

KÎ ÇI ZANE BAV ÇAWA YE ?

Yekî derewîn digot: " Kes tune ye ku di ser min re derewan bike! "

Lê, wextekê bihîst ku derewînekî jê xerab-tir heye. Dibêje "Wele ezê herim vî merivî bi bînim, hela kanê çawa ye, çawa dikare ji min zêdetir derewan bike.", û bi rê dikeve diçe. Tê ber mala derewîn, li deriyê wan dixê. Lawîkek dertê ber derî, mêrik dibêje:

-Ma ev der mala filankes e?

-Belê apo, ez kurê wî me, te çî divê?

-Wele qet, hema min got ez bibînim.

-Fermo derbasî hundur be apo.



-Ma qey bavê te ne li malê ye?

-Na apo.

-Êê, kuda çûye?

-Wele li wê taxê tîşek bi 'ewrekî ketiye, çûye bi hev ve bidurû, ewê nuka were.!

Mêrik 'ecêbmayî dimîne û ji xwe re dibêje :
"Wey xwelî li serê min û bavê min be, hela tu li kurê wî binêre, kî çî zane bavê wî çawa ye?"




P Ê K E N Î N E K



Rojekê gundîyek ji Cilîna, ji xwe re bawêşîngekê dikire. Lê ji bo ku bawêşînga wî kevn nebe, bawêşîngê li ba nake, lê serê xwe li ba dike..!

BANGEK



DIVÊ HAYA HERKESÎ JÊ HEBE, JI VÊ ŞÛN DE
EW KESÊN KU BÊ ÇEK Û SÎLEH BIN DÊ NIKARIBIN
DI ŞEV Û ŞAHİYÊN KURDAN DE CÎH BIGRIN.

KESÊN KU DIXWAZIN DI ŞEV Û ŞAHİYAN DE
BEŞDARBIN Û CÎH BIGRIN, DIVÊ BI KÊMANÎ DEBAN-
ÇEYEK WAN HEBE.

NOT: Di şevan de kesên xwedî keleşînkof dê li
pêşiyê rûnin.

Gulle û fişekên sîlehan jî di şevan de li
bufe û standan tên firotin.

BANGEWAZÊK!

Bo xawênî romanî "TO"



Kakî bira,
Şiteket be destman gehîşt. Be rastî ser û binman
kird, le mebest û merameket halî nebûyin. Xo nazarin
nawerokekey "ROMAN" it basî çî deka!


Bê qeza bî, hey bê bela bî!
Nawerokekey bo man nedozrawe kebasî çî dekat, ta
ku zû wa bangewazîyek bike boewey belkû xelkîtir bi
tiwanê yarmetît bidat û nawerokeket bo bidozinewe.
Ew kate êmeş be çawan em romane dirêjet le lape-
rey "Mêjûy Edebî Kurdîman" da bot çap dekeyn û bee-
meş hengawêk edebî kurdîman degeyênite ser qebr!

Lepirsrawî beşî Soraniy

Govarî Mîrkut

helbestek ji

Mahmut BAKSI



“Eştil beştil Evdilla
Evdilla çû mala mela
Evdillê keça melê xwest
Melê anî serê Evdillê bela.» (.)

(.) : M. Baksi

Şivan'ın Sevdası, 1984

rûpel: 98

her babet, xwendevan

Ji vê şûn de, emê her carê di vê rûpelê de wêne(rism)yê her babet, her cûre, her te wir, her çêşit xwendevanan çap bikin. Nuka em sê babet ji xwendevanan li vê derê pêş kêşî we dikin. Ger xwendevanên ku dixwazin rismê wan jî derkeve, divê wêneyekî xweyî reş û sipî bişîne, an jî bila bi nivîsekê tarîfa xwe bike û bila dirf û nîşanên xwe bellî bike wê gavê emê rismê wî çêbikin.

Mîrkut

Ji we re sê babet xwendevan:



Xwendevanekî
Belengaz



Xwendevanekî
Kezbreş û bêûjdan



Xwendevanekî Rût